

Na osnovu člana 29. stav (1) Uredbe sa zakonskom snagom o ustanovama („Službeni list RBiH", broj: 6/92, 8/93 i 13/94), člana 33. stav (1) i 37. stav (4) Pravila JU „Kulturno-sportski centar“ Vogošća broj 1672/10/23 od 17.10.2023. godine, člana 4. stav (1) Poslovnika o radu Upravnog odbora JU „Kulturno – sportski centar“ Vogošća broj 1225/3/23 od 15.3.2023. godine, te Odluke Upravnog odbora JU „Kulturno – sportski centar“ Vogošća broj: 232/5/25 od 08.05.2025. godine, Upravni odbor JU „Kulturno – sportski centar“ Vogošća raspisuje

**PONOVNI JAVNI KONKURS
ZA IZBOR I IMENOVANJE DIREKTORA
JU „KULTURNO-SPORTSKI CENTAR“ VOGOŠĆA**

Raspisuje se ponovni javni konkurs za izbor i imenovanje direktora JU „Kulturno-sportski centar“ Vogošća (u daljem tekstu: Ustanova/JU KSC Vogošća), sa sjedištem u ulici Jošanička 33, 71320 Vogošća, www.kscvogosca.com.

Imenovanje se vrši na mandatni period od 4 (četiri) godine.

1. Opći uslovi koje svi kandidati moraju ispunjavati

Svi kandidati koji se prijavljuju na ovaj javni konkurs moraju ispunjavati sljedeće opće uslove:

- 1) da je stariji od 18 godina;
- 2) da je državljanin Bosne i Hercegovine;
- 3) da je fizički i psihički sposoban za obavljanje poslova radnog mjesta na koje se prijavljuje.

Napomena:

- a) Kandidati su dužni dostaviti dokumente tražene javnim oglasom, a dokumenti koji nisu u skladu sa istim neće se uzimati u razmatranje.
- b) Izabrani kandidat je dužan prije potpisivanja Ugovora o radu dostaviti ljekarsko uvjerenje o zdravstvenoj sposobnosti za obavljanje poslova radnog mjesta na koje se prijavio, uvjerenje o državljanstvu, te izvod iz matične knjige rođenih.

2. Opis poslova i posebni uslovi koje kandidati moraju ispunjavati

a) Opis poslova

Pored poslova utvrđenih zakonom, osnivačkim aktom i Pravilima Ustanove obavlja i sljedeće poslove: rukovodi Kolegijem Ustanove, organizuje i rukovodi procesom rada i poslovanja, zastupa i predstavlja Ustanovu u unutrašnjem i vanjskotrgovinskom prometu, bez ograničenja, izvršava i organizuje provođenje odluka organa upravljanja, odgovara za organizaciju, izvršenje i konačnu realizaciju svih poslova i aktivnosti Ustanove, donosi pojedinačne akte u skladu sa opštim aktima Ustanove, priprema planove poslovanja i poduzima mjere za njihovo provođenje, donosi odluke o nabavci u skladu sa planom poslovanja, odlučuje o potrebi za radom i raspoređivanjem radnika te stručnim osposobljavanjem radnika, odlučuje o pravima, obavezama i odgovornostima radnika u skladu sa Zakonom, Kolektivnim ugovorom i Pravilnikom o radu, donosi odluke o službenim putovanjima u zemlji i inostranstvu, podnosi izvještaj o poslovanju i godišnji obračun, vrši kontrolu poslovanja, obezbjeđuje neophodne uslove za primjenu mjera PPZ i ZNR, osigurava uslove radi zadovoljenja potreba i očekivanja

kupaca, osigurava saradnju sa interesno uticajnim skupinama radi ostvarenja ciljeva poslovanja.

Osnovna neto plata: 2.030,00 KM

b) Posebni uslovi

Kandidati koji se prijavljuju na ovaj javni konkurs moraju ispunjavati i sljedeće uslove:

- 1) posjedovanje diplome o stečenoj visokoj stručnoj spremi (VSS) društvenog smjera
- 2) iskustvo u realizaciji projekata iz oblasti kulture i sporta
- 3) najmanje 3 godine radnog iskustva u struci

Kandidati uz prijavu obavezno dostavljaju sljedeće dokaze:

- 1) kraću biografiju sa kontakt podacima (adresa prebivališta/boravišta, telefon, e-mail)
- 2) original ili ovjerenu kopiju diplome traženog usmjerenja i nivoa stručne spreme
- 3) original ili ovjerenu kopiju dokaza o potrebnom iskustvu u realizaciji projekata iz oblasti kulture i sporta (potvrda pravnog lica o iskustvu u realizaciji projekata iz oblasti kulture i sporta)
- 4) original ili ovjerenu kopiju dokaza o radnom iskustvu u struci (potvrda poslodavca koja sadrži radno mjesto i opis poslova koje je kandidat obavljao ili potvrda PIO/MIO o radnom stažu uz dešifraciju zanimanja ili potvrda Porezne uprave FBiH uz dešifraciju zanimanja)

3. Intervju

Upravni odbor JU „Kulturno – sportski centar“ Vogošća će zakazati intervju sa kandidatima koji ispunjavaju uslove konkursa, a poziv će se kandidatima uputiti na dostavljene kontakt telefone ili adrese.

4. Sadržaj prijave

1. Kandidat je obavezan dostaviti prijavu, te u istoj precizno navesti broj telefona i adresu putem kojih će se vršiti sva komunikacija sa kandidatom.
 2. Uz prijavu kandidat je dužan dostaviti i biografiju, odnosno CV, te sve ostale oglasom tražene dokaze, u suprotnom prijava će se odbaciti kao nepotpuna.
- Prijava na javni konkurs podnosi se u zatvorenoj koverti, lično ili putem pošte, na adresu poslodavca sa naznakom "NE OTVARAJ - PRIJAVA NA PONOVI JAVNI KONKURS ZA IZBOR I IMENOVANJE DIREKTORA."

5. Dostava prijave i postupanje sa prijavama

Obavijest o ponovnom javnom konkursu će biti objavljena u dnevnom listu „Oslobođenje“, a puni tekst javnog oglasa na web stranici JU „Kulturno-sportski centar“ Vogošća i JU „Služba za zapošljavanje Kantona Sarajevo“.

Javni oglas ostaje otvoren 10 (deset) dana od dana objavljivanja obavijesti o ponovnom javnom konkursu u dnevnom listu „Oslobođenje“.

Prijave sa svim traženim dokumentima kandidati će dostaviti na protokol Ustanove ili preporučeno poštom na adresu: JU „Kulturno-sportski centar“ Vogošća, Jošanička 33, 71320 Vogošća.

Nepotpune, neblagovremene i neuredne prijave neće se uzeti u razmatranje.